

**REUNIÓN DA COMISIÓN DE  
INVESTIGACIÓN PARA DETERMINAR AS  
CAUSAS E DIRIMIR AS  
RESPONSABILIDADES POLÍTICAS NO  
ACCIDENTE PRODUCIDO O PASADO 12  
DE AGOSTO DURANTE A  
CELEBRACIÓN DO FESTIVAL DO  
MARISQUIÑO EN VIGO, ASÍ COMO  
PROPOÑER ACTUACIÓNS NECESARIAS  
PARA EVITAR QUE SINISTROS DESTAS  
CARACTERÍSTICAS POIDAN REPETIRSE**

Día: 17.10.2018

Hora: 16:00

A Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse, da que vostede forma parte, reunirase o próximo día 17 de outubro de 2018, ás 16:00 horas, no pazo do Parlamento.

A orde do día é a seguinte :

- Punto 1. Aprobación das Normas de funcionamento da Comisión.**
- Punto 2. Delegación na Mesa da Comisión das facultades previstas nos artigos 44.1 e 143.1 conforme o establecido na resolución da Mesa do Parlamento do 11 de abril de 1986**
- Punto 3. Fixación do prazo para a presentación polos grupos parlamentarios de propostas de plan de traballo.**

O que lle comunico para o seu coñecemento e a súa convocatoria á devandita reunión.

Santiago de Compostela, 5 de outubro de 2018

Cristina Isabel Romero Fernández  
Presidenta da Comisión

**RELACIÓN DE MEMBROS DE  
COMISIÓN DE INVESTIGACIÓN PARA  
DETERMINAR AS CAUSAS E DIRIMIR AS  
RESPONSABILIDADES POLÍTICAS NO  
ACCIDENTE PRODUCIDO O PASADO 12 DE  
AGOSTO DURANTE A CELEBRACIÓN DO  
FESTIVAL DO MARISQUIÑO EN VIGO, ASÍ COMO  
PROPOÑER ACTUACIÓNS NECESARIAS PARA  
EVITAR QUE SINISTROS DESTAS  
CARACTERÍSTICAS POIDAN REPETIRSE**

POR ORDE ALFABÉTICA

**Mesa**

Presidenta

Cristina Isabel Romero Fernández

P

Vicepresidente

Jacobo Moreira Ferro

P

Secretaria

Carmen Santos Queiruga

EM

**Vogais**

Xosé Luís Bará Torres

BNG

Jaime Castiñeira Broz

P

Teresa Egerique Mosquera

P

María Ángeles García Míguez

P

Abel Fermín Losada Álvarez

S

José Alberto Pazos Couñago

P

Paula Prado del Río

P

Patricia Vilán Lorenzo

S

Luis Villares Naveira

EM

Reunión da Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse

Día: 17.10.2018

Hora: 16:00

Orde do día

1. Aprobación das Normas de funcionamento da Comisión.

**Proxecto de Normas de funcionamento da Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer as actuacións necesarias para evitar que sinistros destas características poidan repetirse**

**I. Obxecto e duración**

**Artigo 1**

A Comisión créase co obxecto de determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer as actuacións necesarias para evitar que sinistros destas características poidan repetirse.

**Artigo 2**

A Comisión extinguirase ao remate do labor encomendado e, en todo caso, ao concluír a lexislatura.

**II. Organización**

**Artigo 3**

A Mesa é o órgano de dirección e impulso das actividades da Comisión e exercerá as seguintes funcións:

- a) Recompilar toda a información e documentación imprescindible para realizar a tarefa encomendada.
- b) Organizar as actividades que se consideren necesarias para dotar a Comisión de todo tipo de informacións de interese para a elaboración das conclusións.
- c) Preparar os documentos que deban ser sometidos á deliberación da Comisión.
- d) Executar os acordos adoptados pola Comisión.
- e) Propoñerlle á Comisión un plan de traballo e un calendario xeral de actividades, logo de escoitar as propostas dos distintos grupos parlamentarios.
- f) Aquelas que en calquera momento lle asigne a Comisión.

**Artigo 4**

1. A Comisión poderá designar unha Ponencia cando as circunstancias do traballo así o aconsellasen.

2. As comparecencias terán lugar en comisión, agás que, por acordo da propia Comisión, se acorde levalas a cabo en Ponencia.

**III. Funcionamento**

**Artigo 5**

A Comisión será convocada pola súa Presidencia, de acordo coa súa Mesa.

#### **Artigo 6**

A Comisión entenderase validamente constituída cando asistan a metade máis un dos seus membros. Os acordos tomaranse por maioría simple.

#### **Artigo 7**

1. Os traballos e as deliberacións da Comisión axustaranse ao previsto no artigo 70 do Regulamento do Parlamento de Galicia.

2. A actuación dos deputados e deputadas deberá axustarse ao previsto no artigo 13 do Regulamento do Parlamento de Galicia.

### **IV. Medios de acción**

#### **Artigo 8**

1. A Comisión, a través da Presidencia do Parlamento, poderá exercer as facultades previstas no artigo 44 do Regulamento da Cámara.

2. Sen prexuízo do disposto no punto anterior, calquera deputado ou deputada poderá facer uso da facultade de información recoñecida no artigo 9 do Regulamento da Cámara.

#### **Artigo 9**

1. Sempre que se solicitase a presenza dalgunha autoridade ou particular para comparecer na Comisión ou, se é o caso, na Ponencia, os extremos sobre os que deba informar deberán serlle comunicados cunha antelación mínima de cinco días hábiles, debendo ser advertido dos seus dereitos así como da posibilidade de acudir asistido de letrado ou letrada.

2. As persoas requiridas en forma legal e baixo apercibimento que deixasen de comparecer incorrerán nas responsabilidades previstas no artigo 502 do Código penal.

#### **Artigo 10**

Sempre que o axeitado funcionamento da Comisión o precise, o Parlamento, a través da Mesa, poderá contratar, con carácter temporal, o auxilio de persoas expertas, nos termos que se especifican na disposición derradeira cuarta do Regulamento da Cámara.

### **V. Plan de traballo**

#### **Artigo 11**

A Comisión aprobará un plan de traballo sobre a proposta elaborada pola Mesa desta Comisión, oído o parecer e as achegas das portavoces e dos portavoces dos grupos parlamentarios, e nel poderá figurar o calendario xeral de actividades para a Comisión.

O plan de traballo incluírá os mecanismos para a incorporación de novas comparecencias ou solicitudes de información en función do desenvolvemento da propia Comisión.

## **VI. Comparecencias**

### **Artigo 12**

Serán admitidas todas as preguntas que formulen os grupos parlamentarios en cada comparecencia, sempre que versen sobre o obxecto da Comisión.

## **VII. Ditame**

### **Artigo 13**

1. Se a Comisión designase unha Ponencia, esta elaborará un proxecto de ditame no que se reflectirán as conclusións da investigación. O proxecto seralle elevado á Comisión para o seu debate e aprobación.

No caso de que non se designase unha Ponencia, será a propia Comisión a que elabore o proxecto.

2. Poderá redactarse, así mesmo, unha memoria na que figuren a metodoloxía seguida, o material utilizado e cantos datos se xulguen de interese.

### **Artigo 14**

O proxecto de ditame deberá conter, a título indicativo:

- a) Un relatorio de feitos.
- b) A busca e constatación das circunstancias que ocasionaron o accidente.
- c) A análise e valoración das responsabilidades, se é que as houberse.
- d) A avaliación das consecuencias e as medidas que se deban adoptar para o futuro.

### **Artigo 15**

Ultimado o proxecto de ditame, a Presidencia da Comisión remitirállelo aos membros desta, no prazo previsto no calendario de actividades, dándolle conta a Presidencia da Cámara destas circunstancias.

### **Artigo 16**

Os membros da Comisión poderán presentar emendas ao proxecto de ditame no prazo de cinco días hábiles desde a súa remisión.

### **Artigo 17**

O proxecto de ditame, coas emendas presentadas, será obxecto de debate no seo da Comisión, para a súa aprobación definitiva.

### **Artigo 18**

Os grupos parlamentarios e os deputados e as deputadas poderán formular votos particulares ao ditame aprobado para amosar a súa discrepancia con el ou en relación con

aquelas emendas que fosen rexeitadas. Os votos particulares deberán presentarse dentro dos dous días hábiles seguintes á finalización do ditame.

#### **Artigo 19**

O ditame, cos votos particulares se os houberse, seralle remitido á Mesa do Parlamento, no prazo dos cinco días hábiles seguintes á súa aprobación. A Mesa do Parlamento dispoñerá a súa publicación no *Boletín Oficial do Parlamento de Galicia*.

#### **Artigo 20**

O ditame será sometido a debate e votación no Pleno e, para tal fin, a Presidencia do Parlamento —oída a Mesa e a Xunta de Portavoces— ordenará o debate, concederá a palabra e fixará os tempos das intervencións.

#### **Artigo 21**

1. O ditame aprobado polo Pleno será publicado no *Boletín Oficial do Parlamento de Galicia* e comunicado á Xunta de Galicia, sen prexuízo de que a Mesa do Parlamento acorde o seu traslado ao Ministerio Fiscal.

2. Por petición do grupo parlamentario propoñente publicaranse no *Boletín Oficial do Parlamento de Galicia* os votos particulares rexeitados.

#### **Disposición derradeira**

En todo o non previsto por estas normas aplicarase supletoriamente o Regulamento do Parlamento de Galicia.

---





BLOQUE  
NACIONALISTA  
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 04/10/2018 17:24  
Nº Rexistro: 38242  
Data envío: 04/10/2018 17:24:06.427

**Á Mesa da Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como para propoñer actuacións necesarias para evitar que sinistros destas características poidan repetirse**

O **Grupo Parlamentar do Bloque Nacionalista Galego (BNG)**, ao abeiro do disposto no acordo da Mesa da Comisión do 1 de outubro de 2018, formula as seguintes **emendas ao proxecto de Normas de funcionamento** elaborado pola Mesa da Comisión na súa reunión do 1 de outubro de 2018.

### **Emenda núm. 1**

Emenda de adición.

No artigo 11, engadir despois de: “A Comisión aprobará”, o seguinte texto: “por maioría cualificada de 2/3...”

### **Emenda núm. 2**

Emenda de substitución.

No artigo 12, substituír o texto do artigo polo seguinte:



BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 04/10/2018 17:24**  
**Nº Rexistro: 38242**  
Data envío: 04/10/2018 17:24:06.427

“Serán admitidas todas as preguntas que formulen os grupos parlamentares en cada comparecencia, sempre que versen sobre o obxecto da Comisión e darase resposta individualizada por parte do/a comparecente a cada unha delas.”

Santiago de Compostela, 4 de outubro de 2018

Asdo.: **Luis Bará Torres**

Deputado do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**

**Xosé Luis Bará Torres na data 04/10/2018 17:22:05**

**Ana Pontón Mondelo na data 04/10/2018 17:22:10**

**Á MESA DA COMISIÓN DE INVESTIGACIÓN PARA DETERMINAR AS CAUSAS E DIRIMIR AS RESPONSABILIDADES POLÍTICAS NO ACCIDENTE PRODUCIDO O PASADO 12 DE AGOSTO DURANTE A CELEBRACIÓN DO FESTIVAL DO MARISQUIÑO EN VIGO, ASÍ COMO PROPOÑER ACTUACIÓNS NECESARIAS PARA EVITAR QUE SINISTROS DESTAS CARACTERÍSTICAS POIDAN REPETIRSE.**

**O Grupo Parlamentario de En Marea**, por iniciativa dos seus deputados **Luís Villares Naveira** e **Carmen Santos Queiruga**, presenta ante esa Mesa as seguintes **emendas** ao **Proxecto de Normas de funcionamento**, elaborado pola Mesa da Comisión na súa reunión do día 1 de outubro de 2018.

#### **EMENDA nº 1 DE SUPRESIÓN DO ARTIGO 4.**

Suprimir o artigo 4.

#### **EMENDA nº 2 DE SUBSTITUCIÓN DO ARTIGO 7.**

Substituír o contido do artigo 7 polo seguinte texto:

“1. Os traballos e as deliberacións da Comisión axustaranse ao previsto no artigo 70.1 do Regulamento da Cámara, coas excepcións contempladas no artigo 70.4.b) do mesmo.

2. A actuación dos deputados e deputadas deberá axustarse ao previsto no Capítulo VII do Regulamento da Cámara.”

### **EMENDA nº 3 DE MODIFICACIÓN DO ARTIGO 9.**

Modificar o contido do punto 1 do artigo 9 que quedará redactado da seguinte forma:

“1. Sempre que se solicitase a presenza dalgunha autoridade ou particular para comparecer na Comisión, os extremos sobre os que deba informar deberán serlle comunicados cunha antelación mínima de cinco días hábiles, debendo ser advertido dos seus dereitos así como da posibilidade de acudir asistido de letrado ou letrada.”

### **EMENDA nº 4 DE MODIFICACIÓN DO ARTIGO 11.**

Modificar o contido do primeiro parágrafo do artigo 11 que quedará redactado da seguinte forma:

“A Comisión aprobará, por maioría de  $\frac{3}{4}$  partes, un plan de traballo sobre a proposta elaborada pola Mesa desta Comisión, oído o parecer e as achegas dos deputados e deputadas designados por cada Grupo Parlamentario na Comisión, e nel poderá figurar o calendario xeral de actividades da comisión.”

### **EMENDA nº 5 DE MODIFICACIÓN DO ARTIGO 13.**

Modificar o contido do punto 1 do artigo 13 que quedará redactado da seguinte forma:

“1. A Comisión será a encargada da elaboración do proxecto de ditame, así como do seu debate e aprobación.”



Santiago de Compostela, 4 de outubro de 2018.

Asdo.: Carmen Santos Queiruga

Luís Villares Naveira

Deputada e voceiro do G.P. de En Marea.

**Asinado dixitalmente por:**

**Carmen Santos Queiruga na data 04/10/2018 13:00:30**

**Luis Villares Naveira na data 04/10/2018 13:00:40**

Reunión da Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse

Día: 17.10.2018

Hora: 16:00

Orde do día

2. Delegación na Mesa da Comisión das facultades previstas nos artigos 44.1 e 143.1 conforme o establecido na resolución da Mesa do Parlamento do 11 de abril de 1986

Reunión da Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse

Día: 17.10.2018

Hora: 16:00

Orde do día

3. Fixación do prazo para a presentación polos grupos parlamentarios de propostas de plan de traballo.